

【國家社會科學基金重大項目】

何建明 主編

中國地方志
佛道教文獻匯纂

寺觀卷

(10)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明

主編

中國地方志
佛道教文獻匯纂

寺觀卷

（10）



國家圖書館出版社

京師坊巷志卷十

義烏朱一新
江陰繆荃孫同撰

吳興劉承幹重訂

延壽寺街

延壽寺析津日記言宋徽宗北來寓此疑非也詳
西城有平樂湖州長元吳諸會館西小衲衲曰泰
山巷

杜文端自訂年譜乙丑移居延壽寺街 遼史游
幸表聖宗統和六年四月幸延壽延洪二寺十五
年四月幸延壽寺 宋洪皓松漠紀聞燕京蘭若

相望大者三十有六然皆律院自南僧至始立四禪寺曰大覺招提竹林瑞像延壽院主有質坊二十八所僧職有正副判錄或呼司空

五道廟

井一

自觀音寺前分櫻桃李鐵拐二斜街復并於五道廟有三原襄陵會館

明王象乾建玉帝殿碑記正陽門西由臧家橋至宣武門乃龍脈交通車馬輻輳之地舊有五道廟鎮焉其址廣不數武天中羽士揭眞誠者見而喟然曰衝衢應建玉帝行宮率諸威神鎮之斯可也

經始於萬曆三十五年七月次年告成乞言於余
文成卽以交龍名碑

興勝寺 井一

大興張志作興聖誤

行國錄永興寺折而東有興仁寺南向其建置年
月無考 宸垣識略今十閒房有興勝寺疑爲興
仁之譌寺有明天啟二年銅鐘康熙辛巳長洲汪
士鋐書禪林清閒額 藤陰雜記興聖寺在琉璃
廠南胡南荅曾恩有大雪步至興聖寺訪沈存田
一揆詩用東坡聚星堂雪韻近潘榕堂司馬汝誠

寓寺雪中召客亦用聚星堂韻

琉璃廠

橋一工部所屬琉璃窯在北窯前隙地曰廠甸有
呂仙祠廠東門有觀音閣北爲火神廟歲正有廟
市迤西有仁威觀眞武廟延壽庵

南柳巷

有建寧晉江華州諸會館舊有江震會館今廢
行國錄永興寺在宣北坊柳巷之南寺東向 案
寺今尙存有正德十五年鐘一 藤陰雜記廠西
門外爲南北柳巷徐憺園出都韓慕廬王橫雲送

至柳巷口占賦贈柳市涼吹送客廳高談二妙有新辭二公乃司寇王子所取士

後鐵厰

有敘州會館北抵西河沿有大隱庵餘姚鄉祠也明嘉靖間建有康熙六十年重修碑

亦有生齋集自海波寺街移寓鐵厰用竹垞韻詩閉門隨意著巾幘出擁陳編蕭字齋絕似三家村裏住寺鐘隱隱出前街注巷內居人只三家前爲大隱禪林

海波寺街

井一

海波寺見坊巷衚衕集久廢有廣西潁州澧州順德潮州會館

永光寺中街

永光寺元爲萬壽寺國初設粥廠於此今仍之

有重慶永靖會館

北極庵

庵祀元帝有明萬厯開朱之蕃碑有鳳翔會館

前後清厰

清或作青

前清厰井一有武陽四川廣西鳳翔漢中榆林諸

會館舊有順德會館今廢迤西曰鹿角衚衕

日下舊聞永光寺東清廡有巨潭元果洛易之萬
壽寺懷古詩云清涼白玉池疑卽是也 孫淵如
年譜乾隆五十二年丁未會試中式授編修時寓
青廡卽今武陽會館 張問陶船山詩草有過青
廡舊宅詩

西草廡衎衎

井一

有正覺庵有安福會館

九條衎衎

有天仙庵

山西街

山或
作陝

京師坊巷志卷十

二十四史

有地藏庵有甘肅夔州會館

外城北城

驛馬市大街

卽南大街井一黎明市曰西小市元帝廟明建前室
祀馬神亦稱馬神廟有王熙劉廷玉二碑設驛馬稅
局於此有直隸三晉中州諸會館迤東有橋曰虎坊
橋明虎房遺址也今橋北小巷猶有是名井一有天
仙庵有福州湖廣宜昌三原襄陵曲沃杭州諸會館
南小衚衕曰九道門檻北小衚衕曰磨臍衕衕曰虎
房在魏染衕衕西

香廠 井一

有永安橋橋東隸中城廠北有萬明寺元之水漸庵也其後門亦在虎坊橋大街

崇興寺衚衕

有福州福清莆陽理化諸會館舊有鄞縣會館坊巷衕衕集正南坊有保安寺響鼓廟崇興寺行國錄崇興寺明天順四年敕建 大興張志寺在粉房劉家

響鼓廟

舊聞考廟北距崇興寺數十步踞高阜前後神宇

各三楹縱橫不踰半畝僧云廟舊制如此有萬厯
癸未鐵磬一 案廟今尙存比正尼居之

潘家河沿井一

西有彌陀庵晉陽庵舊供古銅大士像於此後移
眼藥庵有懷慶吉安黃陂餘姚淮山諸會館舊有
江南江西齊魯渭南會館今廢 案明時曾引涼
水河入城徑虎坊橋以達於下窪疑此並河之地
也說見前

崇百藥齋集

移寓彌陀庵詩自註院中有古槐二株數百年物

也

繩匠衙衙

或作丞
相井一

北有伏魔寺有中州休寧潮州諸會館小衙衙西
曰小井衙衙井一東曰口袋衙衙

南堂子衙衙

有法華寺迤南曰板井井一東有關帝廟明剎也
井一又南半里許曰東珠營西珠營井四有龍泉
寺龍樹寺西有太清觀明萬厯閒建今重修

茶餘客話城南舊有龍爪槐僧言三百年物前輩
集中不多見徐電發鈞菊莊詞話白門紀伯紫云

壬子季夏與合肥龔宗伯山陽陳階六黃門台孫
同飲龍爪槐下填詞此地在國初亦名流展齒
所常到也 案寺前老屋三楹額曰兼葭篠東洲
草堂集有題龍樹寺兼葭篠圖詩 茶餘客話封
氏園一作風氏與龍泉寺相近楊禹江集有丙戌
夏陪宋商止過龍泉寺觀風氏園古松之作

黑陰溝

東有三聖庵迤南有火神廟又南里許曰黑窯廠
明工部五大廠之一也亦曰南廠 國初設滿漢
監督後裁并一其東半里許曰黑龍潭舊爲禱雨

之地有龍王亭今圯西南里許曰陶然亭

舊聞考黑窯廠明時製造甃瓦之地康熙三十三年奉 旨交窯戶備辦此廠遂廢其地坡隴高下蒲渚參差都人士登眺往往而集焉 宸垣識略

廠今廢窯上建眞武殿三楹翼以小屋道人居之

案亭在觀音庵西偏壁嵌江藻陶然吟

其序稱京東南隅有慈悲庵又大興張志觀音堂在珠營湯右曾有秋日登大悲庵後亭詩皆卽今觀音庵也庵有遼壽昌中慈智大師石幢稱茲地爲京東證以長生觀之在豐宜關智泉寺之在子

城東門外憫忠寺之門臨康衢地望悉合舊城東
南遺趾約略可知矣長生觀智泉寺俱詳西城

右在半截衚衕官菜園上街東虎坊橋驛馬市
街南板章衚衕西其東與中城界西與西城界

京師坊巷志考正

吳興劉承幹撰

京師坊巷志考正

一求恕齋